

مانواں والی مہر محبت
جے توں آج نہ کر سیں

میں مر جاساں نال افسوساں
رو رو آہیں بھر سیں

جو کجھ لاڈ پیار مانواں دا
کیہ کجھ آکھ سناواں

جے آج ماں ہندی تے روندی
کیہ پرواہ بھراواں

پر جے ماپے راضی ہو کے کرن دُعائیں دل تھیں
فرزندے توں تئن بلانیں بیچ نکلے مشکل تھیں

کرے عبادت رب سچے دی زاری کر کر رووے
بیٹے کارن و چہ درگا ہے نت سوالی ہووے

رہا بہت میرے نوں رکھیں اپنی وچہ امانے
نال مراد دے دے آئی پھیرا ساڈے خانے

جیکر نیک اولاد ہووے گی رب ولوں پھل پاسی
جے بد بخت ہو یا تاں کا ہنوں ماں اُس داغم کھا سی

ماں اولاد دے حق دے اندر کر دی نت دُعاواں
جس پر ماپے راضی ہوون اوہدیاں دُور بلاواں

جس قضائے ہوناں ہو وے لکھی روز ازل دی
جے سو ہون دُعائیں والے کسے طرح نہیں تُل دی

حضرت پاک نبی فرمایا جو نبیاں دا سرور
صلی اللہ علیہ وسلم نالے آل اوہدی پر

جے آج مائی بابل میرے دُنیا اُتے بندے
خستہ حالی دیکھ پتر دی سکھ نہ سوندے روندے

ترلے کر کر لدھے اہے خوشیاں کر کر پالے
ہائے ہائے آج ناہیں تكدے ماپے جننے والے